

# AQVILA AVSTRIACA

<sup>A D</sup>  
RVDOLPHVM II.  
CÆSAREM AVGVST.  
IMPERATOREM  
Feliciſſimum, & Inuietiſſimum.

Iacobi Baptiſtellæ Veron. Carmen.



VERONÆ, Apud Angelum Tamum. 1602.

P. Valerio Sene Theologo eximio, ac Poete laudato

L. P. C. M. A. H. A. . . . .



EGINAM volucrum, gelido  
 qua venit ab axe,  
 Regis ut aetherei sponsam iute-  
 sur, ~~et~~ anguem  
 Contundat rostro, caci quem  
 Rector Auerni

Limine Tartareo superas emisit ad auras,  
 Ut dominam rerum morsu depascat, & omnem  
 Mortiferum afflatum, virusq; inspiret in orbem  
 Mens canere, atq; vices voluendas pandere rerum  
 Est mihi. Tu, clari cui paret Regia Olympi,  
 Quam prius aeterna templum sibi lege sacrauit  
 Rex superum; ingentem quam verbo conderet orbē,  
 Virgo Dei genitrix, cuius dulcissima cura  
 Nos homines, cuncti quam nostra in vota vocamus;  
 Huc ades, huic facilis superum Regina labori  
 Aspira, his affla felices cursibus auras;  
 At tu, qui tanta labentis mania molis  
 Sustentas humeris, nostris quem rebus adesse  
 Afflictis voluit cœli moderator, & orbis  
 Caesaris Augusti celso de sanguine Caesar  
 Auguste, Austriadum columenq; decusq; potentum;

A 2 Si

Si dum terribili contendis Marte Tyrannum,  
 Sternere, & è specula mundo dum prospicis alta  
 Forte vacare licet, tantasq; auertere curas  
 Si potes, his nostris paleidas dare lusibus aures  
 Ne venuas: Thraci sic tandem sceptrum feroci  
 Eripias, victorq; ipsis des iura Pelasgis.  
 Auroram nondum volucris cristata vocarat,  
 Coniugis ut croceam chari experrecta cubile  
 Lingeret, & roseis digitis referaret Olympum.  
 Lucifer Eois nondum surrexerat undis,  
 Iampridem at medios torquebant sidera cursus,  
 Et posita somno pecudesq; hominesq; quierant.  
 Dum quæ Threicius temeravit templa Tyrannus  
 Sacra Deo, quales crudeli comprimat urbes  
 Seruitio, & quantum teras affligerit omnes,  
 Viq; furore nouo ferro infectetur, & igni  
 Pannonicas oras tacita cum mente volato,  
 In placidum tandem soluumur lumina sonum:  
 Tum mihi in antiquam videor virtute potenti  
 Deferri syluam, claudunt nigrantibus umbris  
 Quam plantæ omnigenæ, omnigenum quam mon-  
 stra ferarum,  
 Muscæ vulneribus miscentes prælia lustrant;  
 Hinc trepidus fugio, summiq; cacumina montis  
 Scandere coniendo, viridanti ubi gramine campi  
 Æquora magna patent, claro qua lumine Phœbus  
 Ve.

Vestit, & abrupti fecundant undiq; fontes;  
 Ver ubi perpetuum Zephyris spirantibus, arbor,  
 Plurima ubi aeternis vestitur frondibus, atque  
 Floribus aeternis, aeternis fructibus halat:  
 Dum vagor ast oculis, prati dum pascor ameno  
 Prospectu, apparent rerum spectacula mira:  
 Regina, haud credo mortali sanguine creta,  
 Sydereo tantum mittebat lumen ab ore,  
 Insueta primum præbet se in luce videndam:  
 Purpureo, mirum, concretam sanguine sedem,  
 Quam quinq; ingentes, nitidoq; ex ære columnæ,  
 Sustainant, video, gemmis quæ ardebat Eois:  
 Hanc super ipsa sedet diuino plena decore  
 Regina in superos oculos intenta nitentes:  
 Qualis ubi Cælo splendet Luna sereno,  
 Cornua cum puro complevit lumine, qualis  
 Fulget ubi æquoreis consurgit Phæbus ab undis:  
 Tempora bisseis huic texta corona lapillis  
 Præcingit, fusos auris cui lactea cernix  
 Accipit ambrosios crines, cuiq; aureus orbis  
 Innectit collum, pendens quem diuidit Agnus,  
 Hac signata gerens clementi carmina fronte:  
 Sum pius ille agnus, cecidi qui victima ad aras,  
 Ad vitam ut dira renocarem morte peremptos:  
 Exin pulchra auro, ac varijs distincta figuris  
 Hanc demissa pedes velabat vestis ad imos:

**Hic**

Hic patris æterni soboles æterna per auras  
 Mittitur æthereas nostras in carceris umbras:  
 In palea genitrix natum deponit adorans  
 Illic, ore fouent quem bos, & tardus asellus,  
 Hic superum Regem ridentibus abluit undis  
 Hirsutis iuuenis velatus corpora villis;  
 In latices illic mutatur lymp̃ha Lyaos:  
 Hic Rex Bethanes quarta iam luce sepultus  
 Ad superas auras infernis surgit ab umbris;  
 Est ubi Christus iter motas impune per undas  
 Tendit, ubi ventos, euersa ac æquora sternit:  
 Hic Cerere exigua magna conuiuia turba  
 Apparat, & multos media de morte reducit,  
 Intrat ibi Solymas vili prouectus asello  
 Rex Regum, occurrunt cui carmina læta canentes  
 Isacide pueri, palmas qui stirpe reuulsas,  
 Paciferasq; oleas manibus prætere certant,  
 Bissenum hic procerum præbet sua viscera edenda  
 Concilio albenti Cereris sub imagine: Patrem  
 Orat ibi, trahitur scelerato hic milite captus:  
 Marmorea vinctis manibus post terga columna  
 Casus ibi largos effundit sanguinis imbres:  
 Tempora sacra alibi spinis transfixus acutis,  
 Ac Tyrio irrisus plebi monstratur in ostro:  
 Hic inter fontes trabibus dependet ab altis,  
 Tartareis illic consurgit victor ab oris,

Hic

Hic repetit tandem cœlestia Regna Parentis :  
 Ornatus sic Diva suos illuſerat auro :  
 Excubat ad ſedem triplici diademate fulgens  
 Idem hominum Reſtor ſummus, ſummusq; Sacerdos,  
 Cui duplices manibus clauſes, quarum altera ferro,  
 At puro ex auro conſtata eſt altera, clari  
 Quæis claudit, reſeratq; Poli ſublimia templa,  
 Hanc circum pietate graues, annisq; verendos  
 Sidonio video ſplendentes murice Patres :  
 Innumera huc magno concurrunt agmine gentes,  
 Diuerſa facie, diuerſæ veſtibus omnes :  
 Vnde pia accipiunt diuina dogmata legis,  
 Quæ ſuperum Pater omnipotens, hominumq; creator  
 Mortales docuit cœli de lapſus ab arce ;  
 Dum tot magna mihi, tot dum miranda videntur,  
 Ecce repente caput nigro velamine Phœbus  
 Contegit, & ſubita terras caligine mergit :  
 Intonat atque adeo concuſſi Regia cœli,  
 Extremam ut credas Mundi diuulſa ruinam  
 Mœnia tunc trahere, ardentes namq; aere flammæ  
 Vibrantur crebra, torquentur fulmina crebra :  
 Sub pedibus reſonat tellus mugitibus, atq;  
 Cuncta elementa chaos minitantur denique rerum,  
 Tunc manibus iunctis attollens lumina ad aſtra  
 Fundo preces humiles, cœleſtia numina magnis  
 Quæq; onero votis, iram ſuperare Tonantis  
 Qua-

Quaeso velint precibus, cæco miserescai ut orbi:  
 Tum vero pallens atra ferrugine Titan  
 Exerit ecce caput, pallenti in luce resurgens  
 Omnia visa prius, sed tristi ardore micantem  
 Aspicio tremulos Stellam protendere crines  
 Auroram versus, squamoso corpore surgit  
 Vnde repente Draco, frontem qui cornibus armat,  
 Sanguine qui cristas maculosas tollit, & ignem  
 Qui spirans oculis stridentia sibila mittit,  
 Pectore quique tumens gentes terroribus implet;  
 Vi vero in tantam flammantia lumina torquet  
 Reginam, vigue videt tantos assistere Patres,  
 Et populum tantum, fremit asper & atra venena  
 Ore vomens rabido, sedem petit impete magno:  
 Tunc mihi membra nouum dissoluit frigus, & imis  
 Concrescit sanguis gelida formidine venis:  
 Stat solitum circum Patrum glomerata caterua,  
 Pellere & inde ferum certat generosa Draconem,  
 Ille venenatis nunc moribus enecat hosce,  
 Nunc lacerat cornu, nunc flexibus alligat illos,  
 Prostermitq; alios, viridiq; aspergine sedat:  
 Pectora tunc iudex summus veneranda Sacerdos  
 Ora rigat lacrymis humili sic voce precatus,  
 Si Rex cælicolum nondum execraris ad unum  
 Mortales, si tangit bonos, si cura remordet  
 Vlla tua sponsa nos eripe faucibus bydri:

Vix

Vix hæc protulerat, gelidis cum tendit ab Arctis  
Aliquam Regina, duo cui vertice rostra,  
Cui duo consurgunt angusto pectore colla,  
Ipsa ingens animis, ingens & corpore in anguem  
Sternentem Patres, ut primum lumina flectit  
Fervida rostra quatit, magnis diuerberat alas  
Æthera, & horribilem cœlestis fulminis instar  
Serpentem inuadit, cœnuerunt protinus ora  
In volucrem Patres, supera ad conuexa supinas  
Certatim tendunt palmas, æternæq; poscunt  
Numina certatim, perimat quo fulua Draconem  
Ales, & eripiat tanto discrimine cunctos:  
Mox Aquila, & serpens tendunt in vulnere totis  
Viribus inter se, rostris ferit illa superbum,  
Nunc caput, ingentes scælat nunc unguibus orbes,  
Hic contra assurgens rostro nunc vulnere adunco  
Cornibus infligit, tergo nunc nigra venena  
Morsibus inspirat, spiris nunc verberat alas:  
Regina at volucrum superari indocta Draconis  
Tentat opum summa vi infringere cornua diri,  
Ergo caput rostris certat contundere aduncis,  
Nuitur ergo caput pedibus lacerare cruentum,  
Nunc ungui ingeminat capiti, nunc vulnere rostro.  
Quam multis scopuli feriuntur fluctibus, æquor  
Cum furit Adriacum, sic crebris ictibus ales,  
Insurgat quamuis, verferq; volumina quamuis

B

Cor.



Cornibus incursans, tundit generosa Draconem:  
 Arripit ac dextram iam tandem feruida cornu,  
 Arreptumq; tenens rostris trahit ardua diram  
 Serpentem hac, illac, tantis ac viribus instat,  
 Horrendum ut cornu rupta ab radice reuellat,  
 Quo coluber cornu Lybicas euerterat urbes,  
 Oppida quoq; tumens Europa magna peribat;  
 Rumpitur ergo Draco, rabidusq; ad sydera iactat  
 Sibila, & ore vomit commistum sanguine virus,  
 Eripiensque fugam bella hosti, bella minatur.  
 Tunc ales victrix, saeuo procul hoste fugato,  
 Ad dominam vertit rorantem sanguine frontem,  
 Mitis eo actutum placido volat agmine, & alis  
 Applaudens illam summisso vertice adorat.  
 Tunc Patres, sacra cincti qui tempora vitta,  
 Qui crines rubro subnixi tegmine, & ostro  
 Romano insignes plausu, fiemituq; secundo  
 Immortale ferunt Aquila super aethera nomen:  
 Almus at ille vigil, qui fidus semper adhaeret  
 Regina lateri ante alios latissimus omnes  
 Inuicta volucris summa cum laude coronam  
 Imponit triplicem, varijs quae intexta lapillis  
 Eois, omnes lustrabat lampade terras.  
 Littore ab occiduo turbam consurgere olorum  
 Hinc video ingentem, blanda qui carmine magna  
 Facta docent Aquila terram resopare, polumq;

Tum

Tum se tollit ouans volucrum Regina per auras,  
 Atque homines linquens, montes, cycnosq; canoros  
 Præpetibus tranat nubes, & sydera pennis:  
 Dum sequor hanc oculis cœlestia templa petentem,  
 Ecce repente omnis liquidas prospectus in auras  
 Effugit, apparet facies tantum ardua montis,  
 Quæis stupidus visis, dum circum lumina voluo,  
 Heu mihi post humeros immani corpore *Monstrum*  
 Astare aspicio, *Monstrum* quo fœdus ullum,  
 Quo magis horrendum stygijs non surgit ab oris,  
 Non adeo cælo se celsa Ceraunia tollunt,  
 Horribile ut *Monstrum* superas se tollit in auras,  
 Huic gemina assurgunt squallentia tempora circum  
 Cornua, dependent viridantes crinibus angues,  
 Et duplices ardent liliæ in fronte comatæ:  
 Canities mento promissa in pectore pendet,  
 Atque vomens fumo commistum faucibus ignem,  
 Tempora feda premit candenti ex ære corona;  
 Tum face fulminea, teloq; tricuspile dextram  
 Nigrantem armatus Regem omnipotentis Olympi  
 Conatur demens superis deducere Regnis:  
 Frigidus ossa mihi pertentat protinus horror,  
 Stantq; metu crines, ast tempora nigra trident  
 Percutiens *Monstrum* clamorem ad sydera tollit  
 Immensum, immugit quo mons exterritus, æther  
 Quo fremit, atq; tremens quo tellus ima dehiscit:

Quale specus superi, flammantia quantus ad astra  
 Suspectus, tantum tendit spelunca sub umbras;  
 Vnde atra erumpens calorum mænia labi  
 Sulphure candenti, picea & caligine nubes:  
 Hinc video innumeras morstroso corpore pestes  
 Surgere tartareas, solum sub fronte mæscui  
 Nonnullis lumen, cæcum qui vertice pulsant,  
 Prima equorum facies alijs, est ultima equorum,  
 Sunt queis pube tenus præstantis virginis ora,  
 Inde trahunt turpis sinuosa volumina cauda,  
 Et septena quibus capita, & queis corpora terna:  
 Quiq; manus centum proterunt, brachia centum;  
 Quam multa, dulci Zephyri cum flamine terram  
 Permulcent, pecudes surgentia gramina pascunt,  
 Monstra specu volitant tam multa in luminis auras,  
 Ore vomant omnes incendia, naribus omnes  
 Fumiferam expirant flammam, miscet omnibus ignis  
 Luminebus, crines innecti atq; anguibus, omnes  
 Armantur facibus, piceisq; iridentibus, urgent  
 Queis insulantes inferno carcere clausos:  
 Certatim huc properant in formia numina Auerni  
 Tendere, & insistant genua, & capita ardua curuât  
 Immitem Regem circum, silet ille dolor,  
 Fixus, acerba luens, tum frendens dentibus atris  
 Tartaream rumpit flammato pectore vocem:  
 Mene igitur vinci? cuiquam concedere mene?

Sen

Seu regat hic terras, summo seu regnet Olympo?  
 Ille ego, qui superos armaui in praelia magnos,  
 Ille ego, qui solio summum detrudere adorus  
 Cœlicolum Regem Arctœam conscendere in arcem  
 Tentavi, & totum potui formidine cœlum  
 Complere, Austriacam nequeo diuellere stirpem?  
 Quid iuuat infernis Asem mouisse tenebris,  
 Scindat ut in fides studia aduersantia Regna  
 Europæ, tanta sauisse & crimina cœdis?  
 Heu quid in Austriacos vires Orientis, & arma,  
 Quæ magnos Asia populos, Lybiamq; ferocem  
 Sub iuga Maumethis valuerunt mittere dura  
 Sape acuisse iuuat? potui num perdere gentem?  
 Pellere num Regno? infracta est mea magna Potestas?  
 An mea mortali rabies satiata cruore?  
 Exsaturabor ego? tenebris Sol ante recondet  
 Æthera, & in primam redigentur sacula noctem.  
 Quare agite ô Proceres, nostri decora alia Senatus,  
 Prasidia umbrarum, cæci tutamina Auerni,  
 Vestrarum tandem quaeso miserescite rerum,  
 Imperium firmate meum, firmate potenti  
 Viriâte Infernas vires, nunc fundite totam  
 Tartaream rabiem, pragnantia corda venenis  
 Excutite omnigenis, campo nunc tendite aperto,  
 Tendite nunc lecti sancta sub imagine legis,  
 In facies omnes, vultus vos vertite in omnes:

Criminibus violate nouis ea fœdera primum,  
 Quis Gallo præses Romanus iunxit Iberum.  
 Tum Lælium, & Venetum belli terroribus oras  
 Ludite, & Europam scelerata accendite in arma,  
 Arma fremant Itali, arma ardens Hispania clamet:  
 O si Romanum peruertere fraude Senatium,  
 Findere si Arcæos vota in contraria Reges,  
 Casareamq; domum furij, incendere totam  
 Possitis socij, vobis quæ præmia solvam?  
 Tempora quæ redimam vobis victricia Lauro?  
 At quid ego incassum vos longum demoror amens?  
 Ite mea magna, spectata potentia dextra,  
 Ite hominum terror, cælorum maxima clades,  
 Ite, fretum, terras, aulam miscete Tonantis.  
 Umbrarum nondum compresserat ora Tyrannus,  
 Dicere adhuc ducibus Stygijs nonnulla parabat:  
 Illi ac frendentes iamdudum, ac torua ruentes  
 Tanta pati nequeunt absumi tempora fando.  
 Ergo indignantes incendunt murmure totum,  
 Horrifono montem, conuexi errantia cœli  
 Septa nouis feriunt clamoribus, agmine magno  
 Inde ruunt, mnes, obscurumq; æthera pennis  
 Anguineis tranant: quæ scindunt æris oras.  
 Inferna pestes, antiqua viscera matris  
 Ceca fremunt, omnis terris auferitur & æther.  
 Ni quando manes fumant ex ore volantes

Sul-

Sulphure commistas iaculantur in aera flammæ.  
 Ventorum veluti cum vis conclusa cauernis  
 Indignans cæco frænari carcere magnis  
 Viribus hæc, illac terram diffindere tentat,  
 Illa gemit, tumidamq; dolet discindier aluum  
 Semine foeta suo, nutantes & tremis artus,  
 At magis, atq; magis venti luctantur, & instant,  
 Considuntq; foras, possunt quæ rumpere porta,  
 Ad conuexa Poli magno molimine tandem  
 Prorumpunt rabidi, discerpta & viscera matris  
 Disspandunt cælo, versanti hinc turbine terris  
 Armati incumbunt, Pario fulgentia tecta  
 Marmore disturbant, vellunt radicibus altis  
 Antiquas Ornos, annosaq; brachia vertunt  
 Roboris, atq; solo prosternunt obuia quæq;  
 Verbere quæq; trahunt, rapiuntq; per aethera quæq;  
 Dum talem terris meditantur Tartara pestem,  
 Ecce repente tonat, roseos qua Phœbus in undas  
 Vesperæ mergit equos, magno diuum aula fragore,  
 Aspicio medij discedere mania Olympi,  
 Et mage clara Polo palantia sydera toto;  
 Vnde nitens humeros iuuenis radiantibus alis  
 Egreditur, terrasq; petit volucris ocyor Euro;  
 Fulmineum dextra miles rotat aliger ensen,  
 Flagrat, & insigni clypeo manus altera, sacrum  
 Qui caput igniuoma protectus casside textam

Lorream induerat stellis, ocre asq; nitentes,  
 Fernidus hic Erebi totum vexantia Mundum  
 Agmina compellat, dictis atq; increpat hisce:  
 Vos terram, pelagus, purum vos aethera pestes  
 Tartarea audetis confundere? luminis oras  
 Vos cæci aeterno damnati carcere Aëni  
 Laethali afflatu fœdatis? vos ego: vobis  
 Sed stat certa dies, hac, qua peccata luatis:  
 Precipitate moras, cœlesti mandat ab arce  
 Hoc Pater omnipotens, superis concedite ab oris,  
 Condite vos stygijs immania Monstra latebris:  
 Condita non vobis hac pulchri machina Mundi,  
 Sed generi humano: vos luce carentia Regna  
 Incolite ò miseri, structa illa palatia vobis;  
 In fontes illa vires expromite in aula,  
 Imperium in gentem illic exercete rebellem,  
 Statis adhuc? veteris num vos obliuia belli  
 Cœpere? experti nondum cœlestia tela?  
 Vultis ut Imperio vestri succurrere Thracis?  
 Et solio Austriacam gentem depellere auito?  
 Qua mihi rex igitur cœlestium arcana reuoluens  
 Pandit, & ut vobis pandam me mitti Olympo,  
 Accipite, atq; alsa mea dicta reponite mente.  
 Uluma Trœicia venit ecce Tyrannidis atas,  
 Ecce Otomanna ruit domus alto à culmine tandem,  
 Tandem tempus adest, quo maximus orbis

Au-

27  
Aethiaca in Serpem Lybiaq; Asiaq; superbunt  
Transulit Imperium, has metas, hac tempora regno  
Maumethis posuit, rerum qui tractat habenas:  
Sed liquidas errare nefas per luminis auras  
Infernas umbras, noctisq; horrentia Monstra:  
Talia caelesti vix fuderas aliger ore,  
Cum gladium vibrans oculi velocius ictu  
Sub rapidas Phlegetonis aquas, barathrique sub  
anatu

Antra inamana fugat stridentia Regis Averno  
Agmina: mox radijs solaribus aurea nubes  
Ardescens caeli transcurrit inania aperta;  
Alium qua visa coheret volitare per auras;  
Palmarum manibus victricia signa ferebant,  
Tempora inumbrabant gemmatis alba coronis  
Coelestes inuenes, candenti corpora amictu  
Velabant, picti aethereis animantibus alas:  
Carmine qui tali mulcebant aera circum.  
Gloria sola Deo, qui Trinus numine, & Unus  
Condidit ex nihilo irrequieta volumina caeli,  
Conditatq; in nihilum potis est conuertere, & orbes  
Ex nihilo rursus sexcentos condere pollens  
Ipse suis opibus, nihil ullius indigus orbis;  
Qui librata suo posuit fundamina terra  
Pondere, & in medio iussit pendere quietam;  
Semina qui rerum genitalia cuncta fovebat,

C

Cum



18  
Cum super ille volans aeterna nocte sepulchra  
Aequora, cum mixto luctantia corpore terra  
Flamine mulcebat vitali, unde agmina aquarum  
Diffugere, & clara terram mandavit Olympi  
Derudare, caput iunium moribus, atq;  
Disclusi Oceani collo data brachia circum  
Aera, qui fufum tellurem, ac aequora circum  
Ignis complexu tendentis ad aethera, fepfit  
Gloria sola Deo, qui trinus numine, & unus  
Aethereum Solem diuini luminis umbram,  
Qui decus omne Polo, qui vita, ac lucis origo  
Limitibus caelum certis mensur, & orbem  
Per duodena regit sinuoso in iramine fixa  
Sydera, qui terras flammis, qui lustrat Olympum,  
Prorulit ex nihilo, tenebrasq; resoluui inanes,  
Qui Lunam pelagi dominam, terrisq; potentem  
Luminis expertem Phœbea lampadis ignes  
Colligere, & variam faciem mutante figura,  
Nocte referre Polo fratris decreuit honores,  
Ignea qui Mundi calauit mania signis,  
Vnde ferunt varios genitalia semina fetus,  
Vnde queunt homines cœli cognoscere morus,  
Qui vacuos cœli tractus, spacia ampla patentis  
Aeris instituit pictas iranare volucres,  
Corpore qui pisces squamoso ludere in undis,  
Quadrupedumq; greges immensa per aequora infusi

Cam.

Camporum errare, & teneras depascier herbas,  
 Quiq; hominis vegetum lecto de pulvere corpus.  
 Ipse suis manibus tandem compegit, & auram  
 In faciem ad cæli sublatam lucida templam  
 Aetheriam infudit dulcis spiracula vite,  
 Qua rerum dominum referens, rerumq; Parentem  
 Regnandum acciperet ventura in sæcula Mundum.  
 Gloria sola Deo, qui trinus numine, & unus  
 Nos superos magnos Procures felicitis Olympi,  
 Militæ æthereæ terrens agmina terna  
 Distincti ordinibus natali ab origine Mundi  
 Iussa expectantes voluit penetralibus aula  
 Vsq; astare suæ, sanctumq; extollere nomen,  
 Qui innumeras acies summo se aquare Parenti  
 Audentes, immane scelus, sedemq; locare,  
 Vnde Aquilo insurgens afflatu concutit orbem,  
 Fulmine præcipientes claro deiecit Olympo,  
 Et tristes habitare domos tellure sub alta,  
 Sulphure & undanti nigrantia Clausura subegit,  
 Qui sibi nos tanto rerum discrimine fidam  
 Stare manum expertus felicitis munere palma  
 Donatos Regni socios in parte locauit.  
 Gloria sola Deo, qui trinus numine, & unus,  
 Quam sibi ab æterno delegit tempore sponsam  
 Intactam, illasq; Stygius fremat ore Tyrannus

Inuidia Populus tristis rumpatur Aenarij  
 Seruabit dextra, cœli qua templa tuesur,  
 Socratam & thalamo tandem dotabit Olympi.  
 Reginam volucrum gelidis qui misit ab oris,  
 Tundat ut Eæi colubri capita ardua vestro;  
 Ausus qui in sponsam minitansia colla sumere.  
 Insignem qui te bellatorem agminis unum  
 Ductorum aligeri, magni cui iradua cura  
 Romulidum Imperij, cœla descendere ab alto  
 Iussit, & infernas visitantes omnia pestes  
 Sub loca præcipites squallentia misere Ditis.  
 Carmina qua mira postquam dulcedine vocum  
 Alati cecinere chori, supera ardua planctu  
 Ingenti sonnere, Poli planfere choreas  
 Sydera, fulgenti riserunt omnia vultu:  
 Romani Imperij sum Princeps aliger inquit:  
 Cœlicola magni, summi queis Rector Olympi  
 Christiadum Regum curam mandauit habere  
 Audite, æterno qua stat sententia Patri,  
 Audita & celeres diuina faceffite iussa,  
 Vidu Olympiaca rerum moderator ab arce  
 Horribilem Thracem Maumethus dogmata iniqui  
 Per dices Asia populos, Lybiaq; per Vrbes  
 Porrasse, & miseris iam dudum dura Pelasgis  
 Iura dare, ac vlla nunquam ditioe quietum  
 An-

*Austriadum placido bellum mouisse nefandum  
 Imperio, & Regnum Mundi affectare superbam  
 Vidit, & electa gentis succensus amor  
 Res Asia tandem, meritamq; euertere Thracis  
 Decevit gentem, tandem tot Regna Tyranni  
 Eoi in magnum statuit transferre Rudolphum,  
 Illa igitur Procures cœli inuiolata Potestas,  
 Qua licet ipsa queat nutu conuertere summis  
 Ima, tamen rerum moderari gaudet habenas  
 Sæpe ministerio seruorum, mandat ut altos  
 Christicolum Reges, quorum custodia vobis  
 Tradita certatim sancta accendatis in arma:  
 Maxime tu Princeps, Regem cui sorte tueri  
 Obligit ingentem, veteri cui plurima regna  
 Orbe tenere parum, cum magnum surgere Mundum  
 Illius Imperio spectaris, quo nihil ipsa  
 Maius habet tellus, compar cui sydera utroq;  
 Orbe nihil cernunt auris cœlestibus ipsum  
 Noctes, atq; dies ne cessa afflare, potenti  
 Quo dextra Thracem solio deturbet auito:  
 Regna tot Europa, Lybia tot tradita, & ultra  
 Herculeas metas, intactaq; litora priscis  
 Imperium alterius concessum dicito Mundi,  
 Liberet ut tanti terras formidine Monstri;  
 At tu cœlestium nulli virtute secundus,  
 Qui Regem belli fulmen, columenq; labantis*

Imperij, armipotens paret cui Gallia tandem,  
 Ipse tuo semper rerum discrimine ab omni  
 Numine iutus felici in sede locasti,  
 Insignem inflamma Ductorem exercitus acris,  
 Vertat ut in Turcas indocta quiescere corda:  
 Vos autem cæli Proceres, quæis cura tuæ  
 Heroas Latios, genus alto à sanguine Regum,  
 Concordem inspire animam, inspire potentis  
 Hesperia dominis diuini pectoris ignem,  
 Quo veniant acti tam sancta in prælia cuncti:  
 Ut pellant cuncti communem sedibus hostem,  
 Atq; agite in primis Stimulis cælestibus, acri  
 In primis flamma Venetos accendite magnos,  
 Ausonia qui summus bonos, & gloria gentis,  
 Oppida qui, niuei currunt qua flumina lactis,  
 Quæq; rigant passim riuus fugientia mella,  
 Arma inter, mediasq; acies in pace gubernant,  
 Qui parere suis ponti tumida aquora franis  
 Edocuerè, vagas & voluere mollius undas:  
 Hos magni aligers nunquam cessetis in arma  
 Tam pia, tam superis, superumq; optata Parentis  
 Certatim hortari, facile est superare Tyrannum  
 Infandum, iniustus facile est deindrudere Regnis  
 Maumeshem, Austriacis potis est si fœdere magnis  
 Adriacos Proceres iungi, & socia arma moueri:  
 Tu vero ante alios Regum dignissime custos

Cu.

Custodes, magnum cui munus semper adesse  
 Clementi rerum Domino, rerumq; labantum  
 Praesidio, Mundum qui fulcui veritae solus,  
 Fide vigil, summi ne expecta iussa Parentis,  
 Iam satis, atq; super Clementem numine sancto  
 Ipse tuo afflasti, coelesti pectore flammam  
 Concepit Clemens, non cernis, qui novus illum  
 Ardor agat dudum lites componere magnas  
 Christiadum Reges inter, Proceresq; potentes?  
 Qua cura aeterno nutantem foedere pacis  
 Firmare Europam? belloq; asperrima gentis  
 Pectora christicola monitis convertere amicis  
 In Thracem, ut Salymis communi milite dirum  
 Maumethem pellant, sanctasq; Tyrannide terras  
 Eripiant tandem, caelo quo gratus omni,  
 Quo mage laudandum bellum mortalibus ullum  
 Tempore non alio susceptum, tu vigil alme  
 Terrarum hoc columen potius tutare periclis,  
 Tu magnum precibus potius contende Tonantem  
 Flectere, quo fractis Mundi succurrere rebus  
 Hunc sinat; & tanto terras dignetur alumno;  
 Magne vigil tandem, caeli fortissime Princeps,  
 Vna cui inuictum cura est servare Rudolphum,  
 Tu magnum Heroem, magni cui gloria Regni  
 Credita Romani; sponsa cui tradita cura  
 Regis Olympiaci sanctis instinctibus urge,

Ad

Accensumq; tuis auris accende potentem  
 Regnantum Regem, ut bello sectetur, & armis  
 Austriaci aeternis aeternum nominis hostem;  
 Nullam habeat pacem, componat fœdera nulla;  
 Nec prece, nec pretio sumptis discedat ab armis,  
 Innumeras acies Thracis, lunataq; castra  
 Seruitium terris, cœloq; minantia vanum,  
 Barbarica & gentis flatus, animosq; superbos  
 Ne timeat Caesar, vires pater ipse secundas  
 Sufficiet, magno pugnancia mittet Olympo  
 Agmina in auxilium, non ultima gloria cœli  
 Ipse adero semper, præsentia numina semper.  
 Ille mea agnoscat, sauas hac dextra Phalanges  
 Sternet, & ingentes hac edet stragis acervos  
 Threicia; ipse Duces atro terrore replebo,  
 Militibus quæ fugam immittam, quos stare videbo  
 Austriacos contra, subito meus hic metet ensis,  
 Ensis hic undanti spumabit sanguine Thracum;  
 At teget hic Clypeus certantes Caesaris alas;  
 Vnus & hic Clypeus cunctorum tela rerundet,  
 Quem Pater omnipotens aris, calybisve metallo  
 Haud fecit, sed qua nullis obnoxia telis  
 Tempa Poli, sed qua Actoam procuderat arcem  
 Formauit massa; fatur dum talia magnus  
 Cœlicola, Aligeri Clypei mirabile textum  
 Admirantur; ubi Austriadas ab origine Reges,  
 Prælia

Prælia magna Virum, præceptaq; sceptrâ Tyrannis,  
 Atque triumphatum nascentem à litore gentis  
 Occidua Mundum, nouit qui cuncta futura,  
 Qui stabili cursu variauit cognita ab illo  
 Tempore, quo iussit magnum consurgere Mundum  
 Fecerat omnipotens clari regnator Olympi.  
 Bellipotens Clypei stat celsa in parte Rudolphus  
 Augustus, Casar, triplici diademate Clemens  
 Insignis mitra, gemmis spectandus, & auro  
 Romulidum hunc Regem Capitolia ad alta coronat:  
 Stat lateri affixus veneranda in veste Rudolphi  
 Guarinonius, honos Verona, & gloria magna  
 Phebigena Patris, miras cui noscere vires  
 Herbarum haud multis hac tempestate patentes  
 Concessum, & stygio iam iam damnanda Tyranno  
 Agmina languentum, iam iam claudentia nocti  
 Lumina perpetua iocunda in munera vitæ  
 Est renouare datum, afflictis & reddere vires;  
 Quem Pater omnipotens nostros seruauit in annos,  
 Ut seruatorem Europa seruaret in usus  
 Taptos, ac animam rerum sub mole cadentum  
 Interdum seßam nota recrearet ut arte:  
 Illum omnes ætate grauem, sophiaq; verendum  
 Obseruant Proceres, Casar veneratur & ipse:  
 Parte alia terras armato milite, classe  
 Aequora magna regit Regali in sede Philippus:

Inde



Inde sati Austriadum præclaro sanguine fratres  
 Qui ditione premunt franari nescia Regna  
 Agmina agunt primi, tollunt in prælia primi  
 Magnanimas dexteras, torquent qua tela, micantes  
 Quaq; rotant gladios effundunt sanguinis amnes.  
 Hic anima illustris, Ducibus generata, potentes  
 Et genitura Duces, Augusta gloria gentis,  
 Europe columen, superum iustissima cura  
 Ferdinandus adest, bello qui magnus, auita  
 Qui pietate nitens Byzanti ingentia sæpia,  
 Atq; ipsa in cælum minitanti claustra Tyranni  
 Funditus euerit, nitratu concita flammis  
 Pondera dum ferri, terrestria fulmina, torques  
 Augusta apparent Maumethis recta superbi;  
 Regnatorum Asia penetrata magna patescunt  
 Lecta Puellarum præstanti corpore turba,  
 Ad turpes usus Domino quæsitæ nefando  
 Scissacoram, diris decurpans, unguitibus ora  
 Hac, illac errat, completq; ululatus cedes:  
 Et te cernere erat, Maumethes, colla catenis,  
 Atq; manus centum confixum, lumina cælo  
 Tollere sorna, caput quassantem, ac ore frementi  
 Falsa execrantem Maumethis numina, omnes  
 Crudeles superos, crudelia ex astra vocantem;  
 Austriaci at Procures curru super ardua vecti  
 Mantia Casurgis victrici tempora Lauco

Or

Ornati, *Spolijs Asia*, prædaq; *superba*  
*Insignes* toto *Mundo* plaudente triumphant :  
*Threicijs* incedunt palmis post terga reuinctis  
*Ductores*, vultus demissi, quos manus ingens  
*Captorum* sequitur, vires *Orientis*, & ipse  
*Flos Asia*, *Lybia* virtus, roburq; *Tyranni* :  
*Quaq;* premunt pedibus victores strata viarum  
*Consurgunt* violæ; consurgit amaracus, alba  
*Lilia* mixta rosis effundit *dadala* tellus;  
*Plaudentesq;* canunt *Pueri*, mixtaq; *Puella* :  
*Victus* io, captiuus io *Rex impius*, *Orbis*  
*Pestis*, & ira *Dei*, curuato hic poplite adorant  
*Numina* magna *Patris*, templi laquearibus altis  
*Arma* inimica sacrant, vota immortalia *Diuis*.  
*Hæc* dum cœlicola mirantur, *Maximus Heros*  
*Ite*, ait, *ite citi*, *Reges* accendite in arma.  
*Dixit*, & aligeri venientibus ocyus *Euris*  
*Per vacuos* lapsi tractus pernicibus alis  
*Ad varias* oras, diuersa ad littora tendunt.  
*Ecce autem Heroem* video super inuisa tolli  
*Ventorum spatia*, obliqui & mania cœli  
*Æternis* penetrantem humeris super æthera condi.

F I N I S.

THE  
JOURNAL  
OF  
THE  
AMERICAN  
MEDICAL  
ASSOCIATION  
PUBLISHED WEEKLY  
CHICAGO, ILL.  
Vol. 10, No. 1, January 1, 1917  
Price, Five Cents  
Subscription Price, \$5.00 per Annum in Advance  
Single Copies, 15 Cents  
Entered as Second-Class Matter, October 3, 1911  
Postoffice at Chicago, Ill., Paid  
Acceptance for mailing at special rate of postage provided for in Act of October 3, 1917  
Authorized by Act of October 3, 1917  
Copyright, 1917, by American Medical Association  
Printed at the American Medical Association, 535 North Dearborn Street, Chicago, Ill.



